

文学名著

中国古典

文学

宝库

齐豫生 夏于全 主编

中国古典文学宝库

第五十八辑

(全一百三十二辑)

第五十八辑目录

曾国藩家书

卷 一 (3)

道光二十年（庚子岁二月初九日）

道光二十一年（辛丑）四月十七日

道光二十一年五月十八日

道光二十一年六月初七

道光二十一年六月廿九日

道光二十一年八月初三日

道光二十一年八月十七日

道光二十一年八月十七日

道光二十一年九月十五日

道光二十一年十月十九日

道光二十一年十一月十九日

道光二十一年十二月二十一日

道光二十二年正月初七日

道光二十二年正月十八日

道光二十二年二月二十四日

道光二十二年三月十一日

道光二十二年四月二十七日

道光二十二年六月初十日

道光二十二年七月初四日

道光二十二年八月初一日

道光二十二年八月十二日
道光二十二年九月十七日
道光二十二年九月十八日
道光二十二年十月二十六日
道光二十二年十月二十六日
道光二十年十一月十七日
道光二十二年十一月十七日
道光二十二年十二月二十日
道光二十二年十二月二十日
道光二十三年正月十七日
道光二十三年正月十七日
道光二十三年二月十九日
道光二十三年三月十九日
道光二十三年三月廿三日
道光二十三年四月二十日
道光二十三年六月初六日
道光二十三年六月初六日
道光二十三年六月初六日

卷 二 (58)

道光二十四年正月二十五日
道光二十四年正月二十六日
道光二十四年二月十四日
道光二十五年三月初五日
道光二十五年四月十五日
道光二十五年十一月二十日
道光二十六年（丙午）正月初三日
道光二十六年二月十六日
道光二十六年三月廿五日

道光二十六年四月十六日

道光二十六年五月十七日

道光二十六年闰五月十五日

道光二十六年七月初三日

道光二十六年九月十九日

道光二十六年十月十五日

卷 三…………… (113)

道光二十七年（丁未）正月十七日

道光二十七年正月十八日

道光二十七年二月二日

道光二十七年三月初十日

道光二十七年三月初十日

道光二十八年七月二十日

道光二十八年九月十二日

道光二十八年十一月十四日

道光二十八年十二月初十日

道光二十九年十一月初五日

道光二十九年十二月初三日

道光三十年（庚戌）正月初九日

道光三十年三月三十日

卷 四…………… (166)

咸丰元年三月（辛亥）初四日

咸丰元年三月十二日

咸丰元年四月初三日

咸丰元年五月十四日

咸丰元年六月初一日

八月初八日薪水舟中书

十二日夜在武昌城内发家信

十三日夜在湖北省城为谕纪泽

咸丰二年八月念六日

咸丰三年（癸丑）正月十二日

咸丰三年十月初四日

咸丰四年（甲寅）三月廿五日

咸丰四年六月初六日

咸丰四年六月十二日

咸丰四年六月十八日

卷 五……………（228）

咸丰五年正月初二日

咸丰五年正月十八日书于江西省城

咸丰五年二月二十九日书于江西省城

咸丰五年三月二十日江西省七里港舟中书

咸丰六年十月初二日

咸丰六年十月初三日

咸丰六年十月初六日

咸丰六年十月初九日

咸丰七年正月二十二日

咸丰七年正月二十六日

咸丰七年二月初三日

咸丰七年九月二十二日

咸丰七年十月初四日

咸丰八年正月十一日

咸丰八年三月三十日

卷 六……………（292）

咸丰八年四月初九日

咸丰八年六月二十三日新堤舟中

咸丰八年六月二十七日武昌抚署

咸丰八年八月二十七日弋阳将拔营时发

咸丰八年八月二十九日双港行营

咸丰九年三月初三日

咸丰九年六月三十日

咸丰十年五月初四日

咸丰十年五月十四日

卷 七…………… (359)

咸丰十年六月初十日

咸丰十年七月十五日

咸丰十年十月初五日

咸丰十年十月二十日

咸丰十一年三月初四日休宁城中

咸丰十一年三月十四日

咸丰十一年四月十五日

咸丰十一年六月二十三日

咸丰十一年六月二十九日

咸丰十一年九月二十五日

同治元年正月十四日

同治元年三月二十七日

同治元年三月二十九日

卷 八…………… (426)

同治元年四月初三日

同治元年四月二十二日

同治元年四月二十四日

同治元年六月初四日

同治元年九月初二日

同治元年九月十四日

同治元年九月二十一日

- 同治元年十月十四日
同治元年十一月十八日
同治元年十二月十二日夜
- 卷 九…………… (501)
- 同治元年（壬戌）十二月二十二日
同治二年二月十四日金陵在胜关舟次
同治二年七月二十三日
同治二年十月十七日
同治三年正月十四日
同治三年三月二十六日
同治三年五月初十日
同治三年六月二十日
- 卷 十…………… (578)
- 同治三年七月初四日
同治三年十一月二十四日
同治四年五月二十四日洪泽湖东口
同治四年十月二十五日
同治五年七月二十四日临淮
同治六年（丁卯）正月初二日
同治六年五月初十日行次归德府
同治九年（庚午）十二月廿一日
同治十年（辛未）正月二十五日
同治十年十一月十七日

曾国藩家书

清朝·曾国藩 著



卷 一

道光二十年
(庚子岁二月初九日)

男國藩跪稟父亲、母亲大人膝下：

去年十二月十六日，男在汉口寄家信，付湘潭人和纸行，不知已收到否？后于廿一日在汉口开车，二人共雇二把手小车六辆，男占三辆半。行三百余里，至河南八里店度岁。正月初二日开车，初七日至周家口，即换大车。雇三套篷车二辆，每套钱十五千文。男占四套，朱占二套。初九日开车，十二日至河南省城，拜客耽搁四天，获百余金。十六日起行，即于是日三更趁风平浪静径渡黄河，廿八日到京。一路清吉平安，天气亦好，惟过年二天微雪耳。

至京在长郡会馆卸车。二月初一日，移寓南横街千佛庵。屋四间，每月赁钱四千文，与梅、陈二人居址甚近。三人联会，间日一课；每课一赋，一诗，誊真。初八日是汤中堂老师大课，题“智若禹之行水赋”，以“行所无事，则智大矣”为韵，诗题赋得“池面鱼吹柳絮行”得吹字，三月尚有大课一次。同年未到者不过一二人；梅、陈二人皆正月始到。偕云江南、山东之行无甚佳处，到京除偿债外，不过存二三百金；又有八口之家。

男路上用去百金，刻下光景颇好。接家眷之说，郑小珊现无回信。伊若允诺，似尽妥妙；如其不可，则另图善计，或缓一二

年亦可，因儿子太小故也。

家中诸事都不挂念，惟诸弟读书不知有进境否？须将所作文字诗赋寄一二首来京。丹阁叔大作亦望寄示。男在京一切谨慎，家中尽可放心。

又禀者：大行皇后于正月十一日升遐，百日以内禁剃发，期年禁燕会音乐。何仙槎年伯于二月初五日溘逝。是日男在何家早饭，并未闻其大病，不数刻而凶音至矣。歿后，加太子太保衔。其次子何子毅已于去年十一月物故。自前年出京后，同乡相继殁逝者，夏一脚、李高衢、杨宝筠三主事，熊子谦、谢切庵、何氏父子，凡七人，光景为之变。

男现慎保身体，自奉颇厚。季仙九师升正詹，放浙江学政，初十日出京。廖钰夫师升尚书。吴甄甫师任福建巡抚。朱师、徐师灵槎并已回南矣。

詹有乾家墨，到京竟不可用，以胶太重也，拟仍付回，或退或用随便。

接家眷事，三月又有信回家中。信来，须将本房及各亲戚家附载详明，堂上各老人须一一分叙，以烦琐为贵。谨此跪禀万福金安。

道光二十一年（辛丑） 四月十七日

祖父大人万福金安：

四月十一日，由折差发第六号家信。十六日折弁又到。孙男等平安如常。孙妇亦起居维慎。曾孙数日内添吃粥一顿，因母乳日少，饭食难喂，每日两饭一粥。

今年散館，湖南三人皆留，全單內共留五十二人，僅三人改部屬，三人改知縣。翰林衙門現已多至百四五十人，可謂極盛！琦善已于十四日押解到京，奉上諭派親王三人，郡王一人，軍機大臣，大學士，六部尚書，會同審訊，現未定案。

梅霖生同年因去歲咳嗽未愈，日內頗患咯血。同鄉各京官宅皆如故。

澄侯弟三月初四在縣城發信，已經收到；正月廿五信至今未接，蘭姊以何時分娩？是男是女？伏望下次示知。

楚善八叔事，不知去冬是何光景？如絕無解危之處，則二伯祖母將窮迫難堪；竟希公之後人將見笑于鄉里矣！孫國藩去冬已寫信求東陽叔祖兄弟，不知有補益否？此事全求祖父大人作主。如能救焚拯溺，何難噓枯回生！伏念祖父平日積德累仁，救難濟急，孫所知者，已難指數。如廖品一之孤、上蓮叔之妻、彭定五之子、福益叔祖之母，及小羅巷、樟樹堂各庵，皆代為籌畫，曲加矜恤。凡他人所束手無策，計無復之者，得祖父善為調停，旋乾轉坤，無不立即解危，而況楚善八叔同胞之親，萬難之時乎？

孫因念及家事，四千里外杳無消息，不知同堂諸叔目前光景。又念家中此時亦甚艱窘，輒敢冒昧撓舌。伏求祖父大人寬宥無知之罪！楚善叔事如有說法之處，望詳細寄信來京。

茲逢折便，敬稟一二。即跪叩祖母大人萬福金安。

道光二十一年五月十八日

男國藩跪稟父親大人萬福金安：

自閏三月十四日在都門拜送父親，嗣後共接家信五封。十五日接四弟在澧濱所發信，系第二號，始知正月信已失矣。廿二日

接父亲在廿里铺发信，四月廿八已刻接在汉口寄曹颖生家信，申刻又接在汴梁寄信。五月十五接父亲到长沙发信，内有四弟信，六弟文章五首。诸悉祖父母大人康强，家中老幼平安，诸弟读书发奋，并喜父亲出京，一路顺畅。自京至省，仅三十余日，真极神速！

男于闰三月十六发第五号家信，四月十一发六号，十七发七号，不知家中均收到否？迩际男身体如常，每夜早眠，起亦渐早；惟不耐久思，思多则头昏，故常冥心于无用，优游涵养，以谨守父亲保身之训。

九弟功课有常，《礼记》九本已点完，《鉴》已看至三国，《斯文精萃》诗、文各已读半本。诗略进功，文章未进功。男亦不求速效，观其领悟，已有心得，大约手不从心耳。

甲三于四月下旬能行走，不须扶持，尚未能言。无乳可食，豕日一粥两饭。家妇身体亦好，已有梦熊之喜。婢仆皆如故。

今年新进士龙翰臣得状元，系前任湘乡知县见田年伯之世兄。同乡六人，得四庶常、两知县。复试单已于闰三月十六付回，兹又付呈殿试朝考全单。

同乡京官如故。郑莘田给谏服阙来京。梅霖生病势沉重，深为可虑。黎樾乔老前辈处，父亲未去辞行，男已道达此意。

广东之事，四月十八得捷音，兹将抄报付回。

男等在京自知谨慎，堂上各老人不必挂怀。

家中事，兰姊去年生育，是男是女？楚善事如何成就？伏望示知。男谨稟。即请母亲大人万福金安。

道光二十一年六月初七

孫男國藩跪稟祖父大人萬福金安：

五月十八日，孫在京發第八號家信，內有六弟文二篇。廣東事抄報一紙。本年殿試朝考單一紙。寄四弟六弟新舊信二封。緝寫格言一幅。孫國荃寄呈文四篇。詩十首。字一紙。呈堂上稟三紙。寄四弟信一封，不審已收到否？

六月初五日接家信一封，系四弟四月初十日在省城發，得悉一切，不勝欣慰。

孫國藩日內身體平安。國荃于三日微受暑熱，服藥一貼，次日即愈；初三日復患腹瀉，服藥二貼即愈。曾孫甲三于廿三日腹瀉不止，比請鄭小珊診治，次日添請吳竹如，皆云系脾虛而兼受暑氣。三日內服藥六帖，亦無大效。廿六日添請本京王醫，專服涼藥，漸次平復。初二兩日未吃藥。刻下病已全好，惟脾元尚虧，體尚未復。孫等自知細心調理，觀其行走如常，飲食如常，不吃藥即可復體。堂上不必挂念。冢孫婦身體亦好，婢仆如舊。

同鄉梅霖生病，于五月中旬日日加重，十八日上床，廿五日子時仙逝。胡云閣先生亦同日同時同刻仙逝。梅霖生身後一切事宜，系陳岱云、黎月喬與孫三人料理。戊戌同年賻儀共五百兩。吳甄甫夫子（戊戌總裁）進京，賻贈百兩。將來一概共可張羅千余金。計京中用費及靈柩靈回南途費不過用四百金，其餘尚可周恤遺孤。

自五月下旬以至六月初，諸事殷繁，荃孫亦未得讀書。六弟前寄文來京，尚有三篇，孫未暇改。

廣東事已成功，由軍功升官及戴花翎、藍翎者共二百余人。將

上谕钞回前半节；其后半载升官人名，未及全钞。

昨接家信，始知楚善八叔竹山湾田已于去冬归祖父大人承买。八叔之家稍安，而我家更窘迫，不知祖父如何调停？去冬今年如何说法？望于家信内详示。

孙等在京别无生计，大约冬初即须借帐，不能备仰事之资寄回，不胜愧悚。

吴春冈分发浙江，告假由江南回家，七月初起程。余容续禀。即禀祖父母大人万福金安。孙跪禀。

道光二十一年六月廿九日

孙男国藩跪禀祖父大人万福金安：

六月初七发家信第九号。廿九日早接丹阁十叔信，系正月二十八日发，始知祖父大人于二月间体气违和，三月已痊愈，至今康健如常，家中老幼均吉，不胜欣幸。

四弟于五月初九寄信物于彭山岷处，至今尚未到，大约七月可到。

丹阁叔信内言去年楚善叔田业卖与我家承管，其中曲折甚多，添梓坪借钱三百四十千，其实只三百千，外四十千系丹阁叔兄弟代出。丹阁叔因我家景况艰窘，勉强代楚善叔解厄，将来受累不浅，故所代出之四十千，自去冬至今，不敢向我家明言。不特不敢明告祖父，即父亲、叔父之前，渠亦不敢直说。盖事前说出，则事必不成；不成，则楚善叔逼迫无路，二伯祖母奉养必阙，而本房日见凋败，终无安静之日矣！事后说出，则我家既受其累，又受其欺，祖父大人必怒，渠更无辞可对，无地自容，故将此事写信告知孙男，托孙原其不得已之故，转禀告祖父大人。现在家中

艰难，渠所代出之四十千想无钱可以付渠。八月心斋兄南旋，孙拟在京借银数十两，付回家中归楚，此项大约须腊底可到，因心斋兄走江南回故也。

孙此刻在京光景渐窘。然当京官者，大半皆东扯西支，从无充裕之时，亦从无冻饿之时，家中不必系怀。

孙现经管长都会馆事，公项存件亦已无几。

孙日内身体如恒，九弟亦好。甲三自五月廿三日起病，至今虽痊愈，然十分之中尚有一二分未尽复旧。刻下每日吃炒米粥二餐，泡冻米吃二次。乳已全无，而伊亦要吃。据医云：“此等乳最不养人。”因其夜哭甚，不能遽断乳。从前发热烦躁，夜卧不安，食物不化，及一切诸患，此时皆已去尽，日日嬉笑好吃。现在尚服补脾之药；大约再服四五帖，本体全复，即可不药。孙妇亦感冒三天。郑小珊云：“服凉药后，须略吃安胎药。”目下亦健爽如常。甲三病时，孙妇曾于五月廿五日跪许装修家中观世音菩萨金身，伏求病愈了，今年酬愿；又言西冲有寿佛神像，祖母曾叩许装修，亦系为甲三而许，亦求病愈，今年酬愿。

梅霖生身后事，办理颇如意；其子可于七月扶柩回南。同乡各官如常。

家中若有信来，望将王率五家光景写明。肃此，谨稟祖父母大人万福金安。

道光二十一年八月初三日

男国藩跪稟父亲大人万福金安：

五月十八日发家信第八号，知家中已经收到。六月初七发第九号，内有男呈祖父稟一件，国荃寄四弟信一件；七月初二发第